

¡BOMBA!

En tierras peninsulares,
esta experiencia es de a diario;
ser vulnerable y precario
a niveles similares



K'uintsil

Lunes 19 de agosto de 2024

CAMPECHE · YUCATÁN · QUINTANA ROO · AÑO 10 · NÚMERO 2301 · www.lajornadamaya.mx

K'uch kex mil 500 u túul táanxel lu'umil máako'ob Reino Unido chéen ti' jump'éel p'is k'iin

Ti' jump'éel p'is k'iinile', óoli' mil 500 u túul táanxel lu'umil máako'obe' ooko'ob Reino Unido ti' mejen cheemo'ob úuchik u kátalo'ob tu beelil la Mancha, beey úuchik u ts'abal kajóoltbil tumen Ministerio del Interior británico.

Xoka'abe', ti'al u k'iinil 11 ti' agostoe' ook 703 u túul táanxel kajil máako'ob te'el beelil ja'o'; tu jo'oloje', 125; ti'al u k'iinil 14e', ook 107i' yéetel tu k'iinil 17e', ook 492.

Le lunes máaniko', ministerioe' tu ts'aj kajóoltbil jaytúul máako'ob Kuchij. Maanal 700 u túul táanxel kajilo'ob k'uchob jump'éel k'iin antes te'el Reino Unido, ts'ooke' lelo' jump'éel reekord ti'al le jaytúul máak ojéela'an kuch chéen ti' jump'éel k'iin, tu jo'oloj kuchuk laboristailo'ob tu muuk'il jaláach.

Reekord ojéela'an yanchaj tu xuul kaajilo'ob saansamal ichil u ja'abil 2024a', j-je'ets' le 18 ti' junio máaniko', ka'alikil oka'an meyaj Partido

Conservador. Te'el k'iino' kooj 900 u túul táanxel kaajil máako'ob. Laboristailo'obe' tu náajaltajo'ob yéeytambal tu k'iinil 4 ti' julio.

Táanxel kajil máako'obe' suuka'an u kaxtiko'ob je'el ba'axak súutukil ti'al u k'atiko'ob u beelil la Mancha, tak kéen k'uchuko'ob Reino Unido, tu'ux ku ts'aakubáajo'ob okol yóok'olal u nu'ukbesajilo'ob kaaj yaan, beyxan ti'al u kaxtiko'ob ka ts'aabak u ju'unil ti'ob beey refujiadóos yéetel ti'al u yantal u yutsil náajal ti'ob.

Maanal 40 mil táanxel kajil máako'ob tu k'ato'ob tu ja'abil 2022, u beelil la Mancha ti'al u kaxtiko'ob okol te'elo'. Ichil ba'ax a'alan tumen u kúuchilo'ob ka'aytik péektsilo'obe', Jala'ache' ku xupik 7 miyoonasil librás esterlinas saansamal, le je'ela' óoli' kex 9 miyoonasil doolarées, ti'al u bo'otik otelo'ob ti'al táanxel kaajil máako'ob.

